

STATVTORVM

CVRIÆ SUPERIORIS

VALLIS SICCIDÆ.



IN NOMINE DOMINI AMEN. Hæc sunt Statuta, & ordinamenta Vallis Siccidæ, facta, & ordinata tempore, & sub felici regimine Dominationis Illustris Principis ac Mag. & Excell. D. D. Galeaz Vicecomitis Domini Mediolani & c. Comitis Virtutum, Imperialis Vicarij Generalis. Legitur in Cannone, factæ sunt leges, vt metu earum humana coerceatur audacia, tutaque sit inter improbos innocentia, & in ipsis improbis formidato suplitio audacia reffrænetur, & nocendi facultas; Quoniam effrænata cupiditas sui prodiga, mater litium, materia litigantium, tot quotidie noua litigia generat, vt nisi iustitia conatus eius sua virtute reprimeret, & quæstiones implicitas explicaret, ius humani generis litigatorum abusus extingueret, & concordia extra mundi terminos exularet. Ideoq; lex proditur, vt appetitus noxius sub iuris regula limitetur, per quam humanum genus honestè viuat, alterum non lædat, & ius suum vnicuique tribuat. Quibus quidem deliberata consideratione animaduersis, infrascripta statuta sunt ordinata ad honorem, & gloriam Altissimi Redemptoris, & gloriosissimæ Virginis Mariæ, & ad laudem Beatorum Gaudentij, & Georgij, qui sunt patroni Communitatis Vallis Siccidæ, & sub orationem prefatæ Illustr. & Mag. D. D.

De Summa Trinitate, & fide Catholica. Cap. I.

STatuerunt, & ordinauerunt vt infra: quod omnes & singulos homines, & personas in Valle Siccida habitantes, & degentes in tali voluerunt & volunt fide, & religione versari, quam Sancta Romana Ecclesia declarat, & seruat: hoc est, vt secundum Apostolicam disciplinam, Euangelicamq; doctrinam Patris, & Filij, & Spiritus Sancti vnam deitatem sub pari Maestate, & sub pia Trinitate credamus; hanc fidem, & religionem sequentes, & seruantes, & qui nostris Statutis obediunt, nostrorum Statutorum gaudeant beneficio, ac priuilegijs, & immunitatibus dictæ Communitatis: reliqui vero ab omnibus, beneficijs, priuilegijs, & imunitatibus habeantur exortes.

De Hæreticis. Cap. II.

ITEM Statutum, & ordinatum est; quod omnes Hæretici, Gazari, & Sismatici incontinenti recedant extra territorium Vallis Siccidæ, & si huius criminis rei peruenerint in fortiam Rectoris, quod puniatur & condemnetur